

# INGURUMEN IKUSKAPEN ETA KONTROLERAKO PROGRAMA

Ingurumena, datozen belaunaldiekiko konpromisoa

## 2026



EUSKO JAURLARITZA



GOBIERNO VASCO

# INGURUMEN IKUSKAPEN ETA KONTROLERAKO PROGRAMA

Ingurumena, datozen belaunaldiekiko konpromisoa

Data

Apirila 2026

Jabea

Eusko Jaurlaritza



 **euskadi.eus**

[www.euskadi.eus](http://www.euskadi.eus)



<b>1. SARRERA.....</b>	<b>2</b>
<b>2. 2026KO PROGRAMAREN HELBURUAK .....</b>	<b>2</b>
<b>2.1.- 2026KO HELBURU ESTRATEGIKOAK ETA PROIEKTUAK.....</b>	<b>4</b>
<b>2.2.- 2026KO IKUSKAPEN-PROIEKTUAK: HELBURU ESPEZIFIKOAK ETA JOMUGAK.....</b>	<b>6</b>
2.2.1.- 2026/01 proiektua: IPPC jardueren jarraipena ikuskatzea .....	6
2.2.2.- 2026/04 proiektua: Ingurumen-Erantzukizuna .....	7
2.2.3.- 2026/02 proiektua: IPPC ez diren jardueren ikuskapen programatua. 8	
2.2.4.- 2026/03 proiektua: Ingurumen Lankidetzako Erakundeak (ILE) ikuskatzea .....	9
2.2.5.- 2026/05 proiektua: Hondakinen lekualdatzeak.....	10
2.2.6.- 2026/06 proiektua: Abisuen eta programatu gabeko ikuskapenen kudeaketa.....	12
2.2.7. 2026/07 proiektua: Laginak hartzea eta/edo ingurumen-analisiak ...	13
<b>3. GIZA BALIABIDEAK ANTOLATZEA.....</b>	<b>14</b>
<b>4. INFORMAZIOA KUDEATZEKO SISTEMA.....</b>	<b>14</b>
<b>5. KONTROL-PLANA.....</b>	<b>15</b>
<b>6. INGURUMEN-ARAUDIA ETA -DIZIPLINA.....</b>	<b>15</b>
<b>7. INGURUMEN IKUSKAPEN ETA KONTROLERAKO PROGRAMA BERRIKUSTEA.....</b>	<b>15</b>

## 1. SARRERA

Programa honek 2026an garatuko ditugun Ingurumen-ikuskapeneko proiektuak zehaztea du xede, hartara betetzeko bai Ingurumen Ikuskapen eta Kontrolerako 2019-2026 aldirako Plana —Eusko Jaurlaritzaren Industria, Trantsizio Energetikoa eta Jasangarritasun Sailaren Ingurumen Sailburuordetzak egin—, baita arlo horretako indarreko araudia ere.

Ildo horretan, gogorarazi behar dugu 2021eko abenduaren 31n argitaratu zela EHAAn 10/2021 Legea, abenduaren 9koa, Euskal Autonomia Erkidegoko Ingurumen Administrazioari buruzkoa. Bertan adierazten denez, administrazio publikoek alde aurretik ezarritako ingurumen-ikuskapeneko programak egingo dituzte aldizka, jarduera mota bakoitzerako bisita-maiztasuna edo -kopurua barne hartuta.

Horretarako, 2026an garatuko ditugun proiektuek Planaren helburu estrategikoak aintzat hartuko dituzte, eta haien oinarritzko agirietan jasoko dira xehetasun operatiboak, jarduera-plana eta jarraipena. Programa horrek, funtsean, proiektuen helburuak eta jomugak jasotzen ditu, baita helburu estrategikoekin duen lotura ere.

Alde horretatik, eskumeneko organoek emandako jarraibide guztiak aztertuko dira ikuskatze-jarduerak garatzeari dagokionez; geroago, aipatutako araudiaren inpaktua balioetsi beharko da, baita adierazitako helburuak betetzeko Estatuko eta autonomietako eskumeneko organo guztiek emandako jarraibideak ere.

## 2. 2026ko PROGRAMAREN HELBURUAK

2026ko Ikuskapen eta Kontrolerako Programa funtsezko zutabe hauetan dago oinarrituta:

- a) **IPPC ekintzen (jardueren) jarraipena egiteko ikuskapenak**<sup>1</sup>. Ikuskapen horien helburua da IPPC enpresek ingurumen-araudia eta -kudeaketa neurri jakin batean bete ditzaten sustatzea.
- b) **IPPC ez diren jarduerak ikuskatzea**. Ikuskapen horien helburua da IPPC ez diren enpresek ingurumen-araudia eta -kudeaketa neurri jakin batean bete ditzaten sustatzea, arreta berezia jarrita ingurumenean kalte esanguratsua eragin dezaketan alderdietan.
- c) **Ingurumen Lankidetzako Erakundeak (ILEak)**. Atmosferara egindako emisioen kontrolen kalitatea eta adierazgarritasuna bermatzeko, 2026an atmosferara egindako emisioak kontrolatzeko

---

<sup>1</sup> Abenduaren 16ko 1/2016 Legegintzako Errege Dekretuaren esparruko jarduerak. Dekretu horren bidez, Kutsaduraren prebentzio eta kontrol integratuari buruzko Legearen testu batgina onartu zen.

Ingurumen Lankidetzako Erakundeei egingo zaizkien ikuskapenak mantendu egingo dira. Gainera, Ingurumen Lankidetzako Erakundeen Erregistroa eguneratzen jarraituko da, EAEn lan egiten duten ILEak erregistratuta daudela ziurtatzeko.

- d) ***Ingurumen Erantzukizunari buruzko Legea.*** Proiektu honen helburua da beharrezkoak diren kontrolak ezartzea eta egitea operadoreek Ingurumen Erantzukizunari buruzko Legetik eratorritako betebeharrak betetzen dituztela egiaztatzeko.
- e) ***Hondakinak mugaz haraindi lekualdatzea eta hondakinak kudeatzeko eta ekoizteko jarduerak kontrolatzea.*** Alde batetik, hondakinen mugaz haraindiko lekualdatzeak kontrolatzeko proiektu espezifikoak burutzen jarraituko da, eta lehentasunezko eremutat hartuko dira hondakinak Europar Batasunetik sartzeko eta Europar Batasunera ateratzeko puntuak, lekualdatzeak, operadoreak eta beste administrazio batzuetako komunikazioak.
- f) ***Ingurumen-arazoak konpontzen edo minimizatzen laguntzea.*** 2026an, ondoko proiektuekin jarraituko da ingurumeneko arazoak konpontzeko edo arintzeko xedez:
  - Abisuak eta programatu gabeko ikuskapenak kudeatzea, kexa, salaketa, gertaera edo istripuekin lotuta. Horretarako, 24 orduko laguntza-zerbitzua egongo da abian, urtearen 365 egunetan, informazioa jaso eta egoera noiznahi ebaluatu ahal izateko, bai eta ingurumen-arriskuak edo kalteak gutxitzeko komeni diren jarduerak hasteko ere.
  - EAeko IPPC diren eta IPPC ez diren jardueretan ingurumen-diagnostikoak akreditatutako eta erregistratutako erakundeekin lankidetzan, laginak hartzea eta/edo analisiak barne. Jarduketa horietan aztertuko dira atmosferara egindako emisioak, immisioak, zaratak eta usainak gisako arloak.

Bestalde, aurreko ekitaldietan egiten ari zen "Hondakinen eta materialen kudeaketa jarduerak amaitu ondoren" proiektua ez da berez proiektu gisa planteatu. Egiten ari ziren lanak mantentzen badira ere, IPPC eta NO IPPC ikuskapenen esparruan eta abisuen kudeaketan egingo dira, proiektu propio gisa sortu gabe.

## 2.1.- 2026ko helburu estrategikoak eta proiektuak

Ondorengo taulan Ikuskapen eta Kontrolerako Planaren helburu estrategikoen barruan 2026ko ekitaldirako programatutako proiektuak daude jasota.

Planaren jarduketa-ildo estrategikoak (4.3 apartatua)	ERREFERENTZIA	PROIEKTUA	HELBURUAREN DESKRIBAPEN LABURRA
A. 1/2016 LEDen mendeko enpresek ingurumen-araudia betetzen dutela bermatzea	2026/01	IPPC jardueren jarraipena ikuskatzea	<p>Arrisku-ebaluazioaren emaitzen arabera programatutako ikuskapenak egitea.</p> <p>Jarraipen espezifikoa egitea betetze-maila baxuena duten enpresei, ingurumenean gehien eragiten dutenei edo arrisku handiena dutenei.</p> <p>IPPC jarduera berriak ikuskatzea, abian jartzen direnetik urtebetera.</p>
	2026/04	Ingurumen-erantzukizuna	Behar diren kontrolak ezartzea, garatzea, eta jarduerak artikulatzea operadoreen betebeharren betetze-maila bermatzeko finantza-bermea eratzeari dagokionez.
B. Arrisku handieneko kutsadurari buruzko 1/2016 LEDen mendekoak EZ diren enpresek Ingurumen-araudia betetzen dutela bermatzea	2026/02	IPPC ez diren jarduerak ikuskatzea	<p>IPPC ez diren jarduera multzo berriak ikuskatzea, bai eta aurrez ikuskaturiko jarduerak, betetze maila ertaina edo baxua izan zutenean.</p> <p>Eman berri diren IBBen ikuskapena</p> <p>Ingurumen-araudia betetzea ziurtatzea eta hobetzea, ikuskapenetan antzemandako desbideratzeak zuzenduz.</p>
	2026/03	ILEak ikuskatzea	Ziurtatzea ILEek aplikatu beharreko araudia betetzen dutela eta beraien kontrolak adierazgarriak direla.
C. Hondakinen mugaz haraindiko lekualdatzeari buruzko araudia betetzen dela bermatzea	2026/05	Hondakinen lekualdaketa	Batasuneko hondakinen lekualdatzeak sarrera-/irteera-puntuetan, lekualdatzeak eta operadoreak ikuskatzea.

Planaren jarduketa-ildo estrategikoak (4.3 apartatua)	ERREFERENTZIA	PROIEKTUA	HELBURUAREN DESKRIBAPEN LABURRA
D. Ingurumenean eragina duten gertaerei eta istripuei buruzko abisuak, kexak eta salaketak kudeatzea	2026/06	Abisuen eta programatu gabeko bisiten kudeaketa	Urteko 365 egunetan, 24 orduko erantzun-zerbitzua, gorabeheretan eta istripuetan sor daitezkeen abisuak eta hondakinak kudeatzeko. Ikuskapen Zerbitzuaren erantzuna antolatzea Larrialdi Planen eta taktika operatiboen aurrean.
E. EAEko industria-jarduerei lotutako ingurumen-arazoak konpontzen edo kontrolatzen laguntzea F. Zerbitzuaren ikuskapen-gaitasuna handitzea	2026/07	Laginak hartzea edo/eta ingurumen-analisiak	Egiaztatutako eta erregistratutako erakundeen lankidetzaz izatea diagnostikoa egiteko (laginak hartzea eta/edo ingurumen-analisia), ingurumen-ikuskapenen eremuan (zarata, emisioa, immisioa, usainak...)

Horrez gain, eta aurreko ekitaldien antzera, "G. Ikuskapenak Europako testuinguruaren arabera egitea, helburuei, strategiari eta irizpideei dagokienez" planean jasotako helburua landuko da, aurrerago zehaztuko den bezala, nahiz eta proiektu espezifikorik ez izan.

Proiektu guztiak jarraian adierazten den egitura duen dokumentu batean garatzen dira. Proiektu hauen berri ematen diogu Natura Ondarearen eta Klima Aldaketarekiko Egokitzapenaren Zuzendaritzari, balioetsi ditzan.

1. Aurrekariak
2. Proiektu mota
3. Helburuak eta jomugak
4. Jarduketa-plana
5. Adierazleak
6. Jarraipena
7. Errekurtsoak
8. Kronograma
9. Txostenen zerrenda

## 2.2.- 2026ko ikuskapen-proiektuak: helburu espezifikoak eta jomugak.

Jarraian, proiektuen helburu espezifikoak eta jomugak zehazten dira, Ingurumen Ikuskapenerako eta Kontrolerako 2019-2026 aldirako Planaren ildo estrategiko bakoitzaren barruan.

### A. Helburua: 1/2016 LEDen menpeko enpresek ingurumen-araudia betetzen dutela bermatzea

#### 2.2.1.- 2026/01 proiektua: IPPC jardueren jarraipena ikuskatzea

IPPC araudiaren aplikazio-eremuan dauden instalazioek ikuskapen-plan bat eduki behar dute, hala xedatzen baita bai Europako Parlamentuak eta Kontseiluak 2010eko azaroaren 24an emisio industrialei buruz onartutako 2010/75/EB Zuzentarauaren 23. artikuluan (Kutsaduraren prebentzio eta kontrol integratuaren Legearen testu bategina onartzen duen abenduaren 16ko 1/2016 Legegintzako Errege Dekretuaren bidez ekarri zen gure ordenamendu juridikora) bai 815/2013 Errege Dekretuan.

Oinarritzat Ingurumen Ikuskapen eta Kontrolerako 2019-2026 aldirako plana hartuz, ikuskapen-programak egiten dira, zeinek instalazioetara egingo ditugun bisiten maiztasuna barne hartzen duten. Bisita-maiztasun hori arriskuak ebaluatzeko prozeduraren arabera antolatzen da. Arriskuak ebaluatzeko prozedura Ingurumen Sailburuordetzaren webgunean argitaratuta dago, programatutako eta programatu gabeko ikuskapen-prozedurekin batera.

Programatutako ikuskapenak aurrez abisatua ala abisatu gabe egin daitezke.

2026an, programatutako ikuskapena egingo zaie 132 IPPC jarduerari. Horietatik 30ek programatutako azken ikuskapena 2025ean izan zuten, 63k 2024an eta 37 enpresek 2023an, eta bi instalazioetan lehen aldiz egingo da programatutako ikuskapena.

Nabarmenezkoa da, IPPC 2026 jarraipeneko ikuskapen-proiektuaren barruan, bolumen esanguratsuak kudeatzen dituzten hondakinak ezabatzeko instalazio aktiboen % 100 in situ ikuskatzea programatuta dagoela.

Azkenik, proiektua gauzatu bitartean, ikuskapen batean ingurumen-baimen integratuaren baldintzen ez-betetze esanguratsu ala larria nabarmen egiaztatzen bada, abenduaren 16ko 1/2016 LEDen aurreikusitako zehapen-araubidea alde batera utzi gabe, sei hilabeteko gehieneko epearen barruan, beste bisita bat egingo dugu instalaziora.

### Helburu espezifikoak eta jomugak

- 2026rako programatutako instalazioen % 100 ikuskatzea 2026/12/31 baino lehen.
- Desbideratze larriak edo esanguratsuak dituzten instalazioen % 100 ikuskatzea 6 hilabete baino gutxiagoko epean.
- Txostenen eta, hala badagokio, haiei lotutako errekerimenduen % 100 igortzea, ikuskapena *in situ* egin eta gehienez ere 2 hilabeteko epean.
- Programatutako eta programatu gabeko ikuskapenen txosten publiko guztiak argitaratzea, ikuskapena egin eta gehienez ere 4 hilabeteko epean.
- 2025ean programatutako eta programatu gabeko ikuskapenetan hautemandako desbideratzeen % 100en jarraipena egitea.
- I PPC berriei ikuskapena egitea, IBB lortu ondoren martxan jarri eta urtebetetik beherako epean.

#### 2.2.2.- 2026/04 proiektua: Ingurumen-Erantzukizuna



Urriaren 23ko 26/2007 Legeak, Ingurumen Erantzukizunari buruzkoak, 24. artikuluan ezartzen du lege horren III. eranskinean jasotako jardueren operadoreei finantza-bermea eratzeko betebeharra. Era berean, ekainaren 22ko ARM/1783/2011 Aginduak ministerio-aginduak onartzeko lehenetsun-ordena eta egutegia ezarri zituen. Ministerio-agindu horien arabera eskatu ahal izango dira nahitaezko finantza-bermea eratzeko.

Finantza-bermea eratzeko eska zitekeen daten egutegia TEC/1023/2019 Aginduan 3. lehenetsun-maila duten jardueren emandako epearekin amaitu zen, zehazki, 2022ko urriaren 16an.

Ezarritako sistematikari jarraituz, 2026. urtean, III. Eranskinean sartutako operadoreek Ingurumen Erantzukizunari buruzko araudia betetzen dutela bermatzeko helburuarekin, euren ingurumen-arriskuen analisiak berrikusten dituzten operadore guztiek aurkeztutako dokumentazioaren egiaztapen formala egingo dugu, Abenduaren 22ko 2090/2008 Errege Dekretuaren 34. artikuluen 3. atalak ezarritakoari jarraituz ala horretara behartuta dauden instalazio berriak direlako.

Azkenik egiaztatuko dugu 26/2007 Legea, urriaren 23koa, Ingurumen Erantzukizunari buruzkoa bete egin dela arau ezarritako metodologiaren bidez gutxienez 10 operadorek aurkezturiko ingurumen arriskuen analisi.

### Helburu espezifikoak eta jomugak

-  Behar diren kontrolak ezartzea, garatzea eta jarduerak artikulatzea operadoreen betebeharren betetze-maila bermatzeko finantza-bermea eratzeari dagokionez.
-  Egiaztatzea zenbateraino betetzen den arauz onartutako metodologia, EAEko operadoreek aurkeztutako 10 ingurumen arrisku-azterketatan, gutxienez.

**B. Helburua: Arrisku handieneko kutsadurari buruzko 1/2016 LEDen mende EZ dauden enpresek Ingurumen-araudia betetzen dutela bermatzea.**

#### 2.2.3.- 2026/02 proiektua: IPPC ez diren jardueren ikuskapen programatua

Aurreko urtean ezarritako sistematikarekin jarraitzeko, IPPC ez diren eta *a priori* kutsatzeko ahalmen handia izan dezaketen jarduerak ikuskatzen jarraitzen da. Hala, aurreikusi dugu 140 ikuskapen egitea operadoreetan. Aldi berean, aurreko ekitaldiko ikuskatzeetatik ateratako datuak ustiatuko ditugu, eta jarraipena egingo diegu ez-betetzeak dituzten eta zuzentzeko eskaera egin diegun enpresei, baldin eta aurrez aurreko ikuskapenean ez bazuten betetze maila handia izan, egoera hobe dezaten.

Hondakinak hondakindegietan biltegitatuta ezabatzea arautzen duen uztailaren 7ko 646/2020 Errege Dekretuaren arabera (17. artikulua eta VI. eranskina), eskatzen da aldizkako ikuskapenak egitea hirurteko gutxieneko aldizkakotasunarekin. 2026. urtean, IPPC ez diren baimendutako zabortegeiak ikuskatzen jarraituko da, aipatutako Errege Dekretuan ezarritako eskakizuna betetzeko.

Proiektu hau hainbat urtetarako da, eta 2014an hasi zen jardunean. Unitatean eskuragarri dauden baliabideen arabera, Ikuskapen Zerbitzuko langileek ikuskatuko dituzte proiektu honekin lotutako zenbait jarduera, eta, gainerakoetan, Laguntza Teknikoaren babesa izango dute.

### Helburu espezifikoak eta jomugak

- IPPC ez diren 140 jarduera ikuskatzea 2026/12/31 baino lehen.
- 2025ean ikuskatutako enpresen % 100i jarraipena egitea, baldin eta errekerimenduari erantzunik eman ez badiote edo nahikoa izan ez bada.

#### **2.2.4.- 2026/03 proiektua: Ingurumen Lankidetzako Erakundeak (ILE) ikuskatzea**

Ingurumen-lankidetzako erakundeak (ILE) nortasun juridiko propioa duten erakundeak dira, publikoak edo pribatuak, Euskal Autonomia Erkidegoan ingurumenaren arloko eskumenak dituen sailaren laguntzaileak, jarduerak egiaztatzeko, balioesteko eta kontrolatzeko jarduerak egiteko.



Zentzu horretan, Ingurumen Sailburuordetzak kudeatzen du Euskal Autonomia Erkidegoan jarduten duten Ingurumen Lankidetzako Erakundeen (ILE) Erregistroa. Horrek erregistroa mantentzeko eta eguneratzeko ahalmena du EAEko jarduera-eremuan.

2014az geroztik, ikuskapenak egiten ditugu Ingurumen Lankidetzako Erakundeek (ILE) atmosfera kutsa dezaketen jardueren (emisioa) kontrolaren esparruan egiten dituzten neurketa- eta kontrol-jardueretan, kontrolen adierazgarritasuna egiaztatzeko eta ILEek aplikatu beharreko araudia betetzen dutela egiaztatzeko helburuarekin.

Bestalde nabarmendu behar dugu, proiektu honen baitan, landu dugula ikuskapenean laguntzeko dokumentazioa; hor dira, besteak beste: emisioak kontrolatzeko betekizun orokorren ikuskapen-gidak; kutsatzaileen fitxak, kutsatzaile gehienei aplikatu beharreko neurketa-arauei dagokienez (partikulak, errekontza-gasak, SO<sub>2</sub>, metalak, merkurioa, NO<sub>x</sub>, COT, HF) eta ikuskapen-prozedurak.

Aurreko urteetako lan egiteko moldeari jarraikiz, beharrezkotzat jotzen dugu ILEak ikuskatzen jarraitzea 2026an Atmosfera Kutsa Dezaketen Jardueren (emisioa) kontrol-eremuan eta Ingurumen Lankidetzako Erakundeen Erregistroa eguneratzen jarraitzea, EAEn lan egiten duen edozein ILE erregistratuta dagoela ziurtatzeko. Zehazki, gutxienez bi ikuskapen egingo zaizkie ILEei 2026an.

Helburu espezifikoak eta jomugak:

-  ILEek fokuak neurtzeko ezarritako araudia betetzen dutela ziurtatzea, eta, horretarako, hiru ikuskapen egitea.
-  Ingurumen Lankidetzako Erakundeen Erregistroa eguneratuta edukitzea, EAEn lan egiten duen edozein ILE erregistratuta dagoela ziurtatzeko.

**C. Helburua: Mugaz haraindiko hondakinen lekualdatzeari buruzko araudia betetzen dela bermatzea.**

### **2.2.5.- 2026/05 proiektua: Hondakinen lekualdatzeak**

Europako Parlamentuaren eta Kontseiluaren 2014ko maiatzaren 15eko 660/2014 Erregelamenduaren bidez 1013/2006 Erregelamendua (EB) aldatu zen, eta, hartan ezartzen denez, estatu kideek mugaz haraindiko hondakinak lekualdatzeko prozedura ikuskatzeko plan bat edo gehiago eduki behar dituzten, 2017ko urtarrilaren 1erako beranduenez. Plan horietan, besteak beste, ikuskapenaren helburuak eta lehentasunak jasoko dira, eta gutxienez hiru urtean behin berrikusiko dira, eta, hala dagokionean, eguneratu.

Ingurumen Ikuskapenerako eta Kontrolerako 2019-2026 aldirako Planak, helburu estrategikoen artean, jasota ditu Europako Parlamentuaren eta Kontseiluaren 2006ko ekainaren 14an hondakinak lekualdatzeari buruzko 1013/2006 Erregelamenduaren (EE) 50. artikulua betetzen jarraitzea, 660/2014 Erregelamenduan (EB) agindu bezala, zeinek ezartzen baitu estatu kideek berariaz bermatuko dutela haien lurralde geografiko osoan plan bat edo gehiago ezarrita dutela beranduenez 2017ko urtarrilaren 1ean, hala nola plan modura edo beste plan batzuen barruan txertatuta, horien bidez hondakinak lekualdatzeko eta balorizatzeke edo ezabatzeke prozesuak ikuskatzeko. Bestalde, aipatutako planak, berrikuspenari buruzko zortzigarren atalean, ezartzen du berrikuspena justifikatzeko adinako garrantzirik ez duten aldaketak, plana garatzeko aurreikusitako Urteko Programetan ezartzen joango direla.

Aurrekoa kontuan izanda, eta 2019 - 2026 Planean jasotako mugaz haraindiko hondakinen lekualdaketa ikuskatzeko plana berrikusteko eta,

behar izanez gero, eguneratzeko beharra betetze aldera, 2026ean, 2025ean bezala, berrikusi egin da, eta ez dugu beharrezkotzat jo hura eguneratzea.

Bestalde, aipatutako 660/2014 Erregelamenduak (EB) ezartzen du ikuskapen-planak arrisku-ebaluazio batean oinarrituko direla eta ebaluazio horren helburua izango dela, besteak beste, eskatuko diren ikuskapenen gutxieneko kopurua zehaztea, establezimendu, enpresa, negoziatzaile eta hondakinen lekualdatzeetako dagokien balorizazio edo ezabaketako kontrol fisikoak barne. Aurreko urteetan ezarritako sistematikari jarraituz, hondakinak mugaz haraindi lekualdatzeko prozesuak modu programatuan ikuskatzen jarraitzen da.

#### Helburu espezifikoak eta jomugak

- Ikuskapen programatuak EBko estatu kideetatik edo estatu kideetara hondakinak inportatzen/esportatzen dituzten operadoreetan. 8 ikuskapen egingo zaizkie operadoreei.
- Ikuskapen programatua portuetan egingo dira kompetentzia duten administrazioek hala eskatzen badute, eta baliabideen arabera.
- Ikuskapen programatua errepideetan. Hondakinak tokiz aldatzeari dagokionez, ikuskapenak antolatuko dira errepideetan, eskuragarri dauden baliabideen arabera.
- Legez kontrako lekualdaketak azaleratzea. Hondakinak mugaz haraindi lekualdatzeko planak modu programatuan ikuskatzeko prozedura orokorra aplikatzen jarraituko da beste proiektu batzuen ikuskapenetan, hondakinak lekualdatzen dituzten operadoreak identifikatzeko.
- Legez kontrako lekualdaketak azaleratzea. Hondakinak lekualdatzen dituzten operadoreei buruzko informazioa biltzen jarraituko da.

**D. Helburua: Ingurumenean eragina duten gertaerei eta istripuei buruzko abisuak, kexak eta salaketak kudeatzea.**

Hainbat urtetako proiektua da helburu estrategiko hori. Proiektuaren garapena honako hau erdiestera bideratuta dago: ingurumenari buruzko abisu edo larrialdien kasuan 24 orduz arreta edo erantzuna ziurtatzea. Horretarako, bi enpresa teknikoren laguntza izango da aurrerantzean ere: biek txandaka egingo dute lan, Natura Ondarearen eta Klima Aldaketarekiko Egokitzapenaren Zuzendaritzako Ikuskapen Zerbitzuaren jarraibideen



arabera, eta bitarteko eta baliabide egokiak dituzte abisuei erantzuteko eta, behar izanez gero, haietan sortutako hondakinak kudea ditzakete.

Enpresa jarduleei ILE I. maila emango zaie, bat etorrita urriaren 16ko 212/2012 Dekretuarekin, zeinek ingurumen-lankidetzako erakundeak arautzen baititu eta Euskal Autonomia Erkidegoko Ingurumen Lankidetzako Erakundeen Erregistroa sortzen baitu Administrazioak kontratatutako jardueretarako.

#### **2.2.6.- 2026/06 proiektua: Abisuen eta programatu gabeko ikuskapenen kudeaketa**

Araudia betetzen doan heinean, gero eta garrantzitsuagoa da salaketetatik datozen abisuei, SOS-DEIAKen abisuei, gertakariei, istripuei eta abarrei ematen zaien erantzuna; izan ere, gero eta garrantzi handiagoa hartzen ari dira funtzionamendu-egoera anomaloetatik sortutako ingurumen-kalteak.

##### Helburu espezifikoak eta jomugak

-  Erantzuna antolatzea, eguneko 24 orduetan, urteko egun guztietan, gertaera eta istripuetan sor daitezkeen abisuak eta hondakinak kudeatzeko.
-  Tartean dauden sailekin koordinazioa hobetzea.

***E. Helburua: EAEko industria-jarduerei lotutako ingurumen-arazoak konpontzen edo kontrolatzen laguntzea***

***F. Helburua: Zerbitzuaren ikuskatzeko gaitasuna handitzea.***

Jarraian, helburu estrategiko honekin lotutako proiektuetarako helburu espezifikoak eta jomugak zehazten dira.

Ingurumen Ikuskapen Zerbitzuaren galga nagusia proiektuak egikaritzeko eskura dituen giza baliabide mugatuak dira. Hala ere, garrantzitsuena da eragin biderkatzailea sortzea, ikuskapen-ahalmena optimizatzeko.

Horretarako, eskura dauden giza baliabideak eta baliabide materialak behar bezala kudeatuko dira, eta Ingurumen Lankidetzarako Erakundeak ikuskapenaren osagarri eta laguntza gisa erabiliko dira.

Jarraian, eremu honetako zenbait jarduera-ildo azaltzen dira:

- Airearen kalitatea zaintzeko eta kontrolatzeko sarearen baliabideetan oinarritzea, airearen kalitatearekin eta emisioekin lotutako egoera analitikoki ezaugarritzeko.
- Ikuskapen Zerbitzuko teknikariaren lana sistematizatzea eta harmonizatzea, prozesuaren kudeaketan kalitate-irizpideak betez.

Horrez gain, aurten 2024an hasitako lan bat sartu da proiektu gisa, nahiz eta orduan ez zen proiektu gisa sartu:

### 2.2.7. 2026/07 proiektua: Laginak hartzea eta/edo ingurumen-analisiak

Helburu espezifikoak eta jomugak

- Zarataren neurketa, emisioaren neurketa, immisioaren neurketa eta usainaren neurketa egitea ingurumen-baimena behar duten industria-jardueretan.

**G. Helburua: Ikuskapenak Europako testuinguruaren arabera egitea, helburuei, estrategiari zein irizpideei dagokienez.**

Helburu honen xedea da Ikuskapen Zerbitzuko jarduerak Estatuko nahiz Europako testuingurura egokitzea, ikuskapenarekin lotutako fase guztietan parte hartzeko: araudia egiteko hasi eta ikuskapenak egiteko irizpideetara. Horretarako, elkarrekin lan egin eta informazioa trukatzeko foroak daude, non Ikuskapen Zerbitzua partaide den eta parte-hartze aktiboa duen, hala nola: REDIA, ingurumen-ikuskapen agintaritzen sarea (autonomia-erkidegoak eta Ministerioa) eta IMPEL (Europako Esparru Ekonomikoko estatuak; Europar Batasuna, batik bat).

### 3. GIZA BALIABIDEAK ANTOLATZEA.

2026. urtean, Ikuskapen Zerbitzuan egitura hau dago: zerbitzuburu bat, 13 ikuskapen-teknikari, aholkularitza juridikoa eta laguntza administratiboa. Aurrekoa kontuan izanda, bi ikuskapen-teknikari Bizkaian daude (Bilbon dute bulegoa), beste bi Gipuzkoan (Donostian dute bulegoa) eta gainontzekoak Araban (Gasteizen dute bulegoan, Lakuan). 2025eko hautaketa-prozesuek langileen txandaketa eta prestakuntza-premia handiak ekarri zituzten. 2026an, langilerian aldaketa batzuk aurreikusten badira ere, ez dira hain nabarmenak izango, eta helburua 2025-2026an iritsitakoen prestakuntza egonkortzea da, baita ezagutzak zabaltzeko lan egitea ere.




Eskura daude baliabideetara egokituta dauden programatutako jarduerak, eta aurreikusita dago ingurumen-ikuskatzaileen prestakuntzan eta profesionalizazioan aurrera egitea, zehazten diren planen arabera, betiere lan horietarako konpetentzia teknikoa ziurtatzeko.

Ikuskapen-programaren helburuak betetzeko estrategia gisa eta Ingurumen Ikuskapen eta Kontrolerako 2019-2026 aldirako Planetik ateratako gidalerroekin bat etorriz, aurreikusi da kanpoko laguntza teknikoa kontratatzea 2026. urteko ikuskapen-programan jasotako jarduera batzuekin laguntzeko.

### 4. INFORMAZIOA KUDEATZEKO SISTEMA.

2018az geroztik, elektronikoki kudeatu eta izapidetu dira Ikuskapen Zerbitzuari lotutako ia administrazio-prozedura guztiak. Ikuskapen-txostenak elektronikoki artxibatuta daude Eusko Jaurlaritzaren Artxibo Sistema Orokorrean, ezarritako irizpideen arabera.

Arlo horretako 2026rako jarduerak ondorengo oinarriak izango dituzte:

-  Ikuskapen-prozedura administratiboak zerbitzu publikoen kalitatea hobetzea xede duen INGURUNET Ingurumen Kudeaketaren Informazio Sistema berrian sartzea, legezkoatasuna kontrolatzea eta hari jarraipena egitea.
-  Ikuskapenari lotutako datuen kontsulta eta ustiapena hobetzen jarraitzea, baita Sailburuordetzako beste administrazio-unitate batzuen erabiltzaileen irisgarritasuna ere.
-  Jendaurrean jartzea ikuskapenen arloko programak, memoriak eta txostenak, Eusko Jaurlaritzaren webgune ofizialaren bidez.

## 5. KONTROL-PLANA.

Oro har, hiru hilean behin bilerak egiten dira proiektuen bilakaera baloratzeko eta helburuak desbideratuz gero jardun ahal izateko. Horrez gain, helburuetako batzuk, hala nola barne-txostenerako eta txosten publikorako epeak betetzea, hilerok berrikusten dira.

## 6. INGURUMEN-ARAUDIA ETA -DIZIPLINA.

2019 - 2026 Ingurumen Ikuskapen eta Kontrolerako Planean adierazten den bezala, beharrezkoa da ikuskapenaren lege-esparru eguneratua mantentzea, ikuskapenaren eta kontrolaren antolamenduaren araugarapena eta ingurumen-diziplinaren aplikazioa ikuskapenetatik eratorritako espedientei dagokienez.

2026ko ekitaldi honetan, 2027-2034 aldirako Ingurumenaren Ikuskapen eta Kontrolerako Plan berria idatziko da.

## 7. INGURUMEN IKUSKAPEN ETA KONTROLERAKO PROGRAMA BERRIKUSTEA.

Proiektu bakoitzean egikaritze-kontrolerako adierazle batzuk ezarriko dira, beraien jarraipena egiteko. Oinarritzko irizpide gisa, aurten proiektuen jarraipena gutxienez sei hilean behin egitea planteatu da.

Ikuskapen Zerbitzuko giza baliabideak faktore mugatzailea dira Ingurumenaren Ikuskapen eta Kontrolerako Programa hau guztiz garatzeko. Horregatik, lehentasun handieneko proiektuekin hasia proposatu da, eta gainerakoak eskura dauden baliabideen arabera garatzea.

Barneko segimenduari esker, Programaren garapena doitu ahal izango da, lehentasuna emanaz ingurumenaren ikuspegitik garrantzi edo arrisku handiena dutenei. Jarraipen hori Sailburuordetzako zuzendaritza-taldearen eta zerbitzu teknikoaren parte hartzearen bidez egingo da. Legealdi honetan, Ingurumen Ikuskaritza eta Ingurumen Baimena zuzendaritza desberdinen mende geratzen direnez, beharrezkoa izango da zuzendaritzen artean jarduerak eta informazioa ondo koordinatzea.